

Agonia

Passan sas dies nudas e tristas,
senza sole. Sos ultimos fiores
unidos morin e senza colores
che ojea cun sas lagrimas in cristas.

Ruen a una a una, e cando a trumas
sas fozas grogas. In maneras chentu
girat, regoglit e isparghet su 'entu,
e a bolare las pesat che pumas.

Ma custas fozas o frunzas chi ruen
pro me sun carre; e umanas isperas
ch'isfuman, e s'isperden in aeras:
sonnos ch'a s'ischidada si distruen.

Che cand'esseran parte de me bias,
cun penosas astrintas a su coro,
mi cumpenetro in s'agonia issoro
non senza calchi lagrima in pupias.

Passat feroce che una tempesta
s'ira; e noas pias e pijas
lassat in carres sulcadas e lijas
e nuda e bisestrada ogni foresta.

Sa manu chi sas fozas iscolorit
mudat pilos e trizzas in biancu:
S'anima, che fiana ch'ènit mancu
a pagu a pagu, iscuizzat e morit.

L. S. Well